

391.998

p-95

Amurgen

Ergebnis

IV

ՀՈՎՀ. ԹՈՒՄԱՆՅԱՆ

2011-05.



ՅԵՐԳԵՐ

IV

91.091
9-89

891-995
10-95

ՀՈՎՀ. ԹՈՒՄԱՆՅԱՆ

Լւր

Յ Ե Ր Գ Ե Ր

IV

(ԹԱՐԳՄ. ՅԵՎ ՓՈԽԱԴՐՈՒԹՅՈՒՆՆԵՐ)

Շապկի Նկար
Աճ. Դասպարյանի

Պ Ե Տ Ն Ր Ա Տ

ՀԼԿՅԵՄ ԿԿ ԿԻՑ ՄԱՆԿԱՊԱՏԱՆԵԿԱԿԱՆ ԳՐԱԿԱՆՈՒԹՅԱՆ ԲԱԺԻՆ
ՅԵՐԵՎԱՆ 1938



239/38

ՄԱՆՈՒԿՆԵՐԻՆ

(ԼՈՆԳՖԵԼԼՈՅԻՑ)

Յեկեք, սիրուն իմ մանուկներ,
 վազեք, յեկեք շուտ ինձ մոտ,
 վիշտ ու կասկած դուրս վանեցեք
 իմ ծեր լանջից հիվանդոտ:

Ձեր սրտերում՝ շող ու թրուշուն,
 Ձեր մըտքերում՝ վըտակներ,
 ինձ տիրում ե արդեն աշուն
 Շուտով կըգա և ձմեռ:

Տաղ կանչեցեք, սիրունիկներս,
 են տաղերը խընդազին,
 վոր թրուշուններն յերգում են ձեզ
 Գարնան պայծառ որերին:

Վռչինչ բան ե խելքը մարդի,
 Յեվ դատարկ ե և չընչին
 Ձեր մանկական անմեղ շուրթի
 Ժըպխտների առաջին:

Ձեզանից լավ՝ յերգ չի տեսել
 Գարնան ուրը վոսկեփայլ,
 Դուք եք յերգն ել, խաղն ել, լույսն ել,
 Ու առանց ձեզ՝ վողջ մըռայլ:

ԱՇՈՒՆ

Դեղնած դաշտերին
Իջել ե աշուն,
Անտառը կրկին
Ներկել ե նախշուն:
Պաղ-պաղ մեզի հետ
Փըշում ե քամին,
Քշում ե տանում
Տերևը դեղին:
Տըխուր հանդերից
Ամենքը տրտում
Քաշվում են կամաց
Իրենց տունն ու բուն:

ՏԵՐԵՎԱՅԱՓ

«Այ փոքրիկներ, այ սիրուններ»,—
Ասավ քամին տերևներին,—
«Աշունն յեկավ, մոտ ե՝ ձմեռ,
Ի՞նչ եք դողում ծառի ծերին:
Վոսկի, դեղին, վառ ծիրանի
Գույներ հագեք խայտաբղետ
Ու ճյուղերից ձեր մայրենի
Յեկեք ինձ հետ, փախեք ինձ հետ...
Յեկեք տանեմ հեշտ ու անթև
Անհետ ճամփով, անհայտ տեղեր,
Չեք իմանա այսուհետև
Ել ինչ ե դող, ինչ ե ձմեռ...»

Տերևները հենց լսեցին,
Նախշուն-նախշուն գույներ հագան,
Սըվսըվալով տխուր յերգեր՝
Քամու թևին թռան, փախան:

ԱՌԱՋԻՆ ՁՅՈՒՆԸ

— Վայ, մայրիկ ջան, տես,
Բազն ու դուռը լի
Խնչքան ըսպիտակ
Թիթեռ ե գալի...
Նսքան շատ թիթեռ
Ձեմ տեսել յես դեռ:
— Ձե, իմ անուշիկ,
Թիթեռներ չեն ետ.
Թիթեռներն անցան
Ծաղիկների հետ:
Ետ ձույնն ե գալի,
Փաթիլն ե ձյունի,
Վոր կարծես սպիտակ
Թիթեռնիկ լինի:

ԾԱՂԻԿՆԵՐԸ

— Ո՞ւր գնացին ծաղիկները:
— Սո՛ւս, քնած են հողի տակ,
Տաք ծածկված վողջ ձմեռը
Ձյուն-ծածկոցով սպիտակ:

Կըգա գարնան արևն ել յետ
Իր շողերով կենդանի,
Ձմրան սաստիկ ցրտերի հետ
Ձյուն-ծածկոցը կըտանի:

«Յելեք, կասի, իմ մանուկներ».
Ու հենց նրանք իմանան,
Դուրս կըհանեն գլխիկները,
Աչիկները կըբանան:

Մ Ա Ր Տ

Ա՛խ, եսպէս ել գիժ ամիս.
 Մարդու հանգիստ չի տալիս:
 Եսոր ուրախ որ կանի,
 Վաղը անձրև ու քամի.
 Առավոտը պայծառ ող,
 Կեսորը մութ ու ամպոտ:
 Մին հագնում է սպիտակ,
 Մին կանաչին է տալիս.
 Մի որ ցուրտ է, մի որ տաք,
 Մին խնդում է, մին լալիս...
 Ա՛խ, եսպէս ել գիժ ամիս:

Վ Ա Ր Դ Ը

Փոքրիկ տղան մի վարդ տեսավ,
 Տեսավ մի վարդ դաշտի միջին.
 Վարդը տեսավ, ուրախացավ,
 Մոտիկ վազեց սիրուն վարդին.
 Սիրուն վարդին, կարմիր վարդին,
 Կարմիր վարդը դաշտի միջին:

Տղան ասավ. — Քեզ կըպոկեմ,
 Ա՛յ կարմիր վարդ դաշտի միջին:
 Վարդը ասավ. — Տես, կըծակեմ,
 Վոր չըմոռնաս փշոտ վարդին.
 Փշոտ վարդին, կարմիր վարդին,
 Կարմիր վարդը դաշտի միջին:

Ու անհամբեր տղան պոկեց,
 Պոկեց վարդը դաշտի միջին.
 Փուշը նրա ձեռքը ծակեց,
 Բայց ել չոգնեց քընքուշ վարդին.
 Քընքուշ վարդին, կարմիր վարդին,
 Կարմիր վարդը դաշտի միջին:

ԱՄԱՌՎԱ ԳԻՇԵՐՈՎ

Գիշեր ե խոր:
Մենակ բոլոր
Լուսնյակը չի դեռ քնած.
Հետը գընում, հետը ցած՝
Նա տեսնում ե մութ ծըմակ,
Մութ ծըմակում, կոճղի տակ,
Զոր տերեր ժաժ տալի—
Սունկն աշխարհք ե դուրս գալի:

Հ Ո Վ Վ Ի Հ Ր Ա Ժ Ե Շ Տ Ը

Մնաք բարով, դուք, արոտներ սիրուն,
Ամառն անց կացավ, հոտն իջնում ե տուն:

Մենք յետ կըգանք ձեզ նորեկ դարունքին,
Յերբ դարթնեն ուրախ յերգերը կըրկին,
Յերբ վոր սարերը դուգվեն կանաչով,
Յերբ վոր ջրերը վազեն կարկաչով:

Մնաք բարով, դուք, արոտներ սիրուն,
Ամառն անց կացավ, հոտն իջնում ե տուն:

«Ի՞նչ կըլինի, աստ, գրիչ,
 Ինձ ել սիրես զոնե մի՞ քիչ.
 Ինչո՞ւ իմ մեծ քրոջ ձեռքին
 Գրում ես միշտ վարժ ու կարգին,
 Իսկ իմ ձեռքին խաղմըզում ես
 Սեվ ազնավի ճանկերի պես:
 Յես քեզ վատ բան ի՞նչ եմ արել:
 Յեկ, խնդրում եմ, ինձ համար ել
 Դրի ենպես արագ-արագ,
 Ենպես ուղիղ, սիրուն, բարակ»:
 Գրիչը լուռ լքում, լքում,
 Ճըռճըռում է ու խաղմըզում,
 Բայց այս անգամ արդեն, կարծես,
 Փոքրիկ ծրար ճանկերի պես:

Վարպետ Բըղեզն ամրան մի որ
 Դպրոց բացեց մեծ ծառի տակ
 Ու հավաքեց թիթեռ, ճանճ, բոռ,
 Մըժեղ, մըրջյուն, մըլակ, մոծակ...

— Դիտե՛ք, ասավ, իմ փոքրիկներ,
 Պիտի սովրեք, սովրեք անվերջ,
 Վոր իմանաք ինչ է ձեզ պետք,
 Ինչ կա ձեր շուրջն ու կյանքի մեջ:

Պիտի սովրեք, սովրեք ենքան,
 Մինչև դառնաք ինձ պես վարպետ:
 Դե նստեցեք հիմի հանգարտ,
 Ինչ վոր կասեմ՝ կըրկներ ինձ հետ:

«Ա. Անթառամ, Բ. Բարձմենակ.
 Գ. Գաղտնիկուռ, Դ. Դըզում...
 Ե՛յ, դո՛ւ մորեխ, դեսն աղանջ դիր,
 Ի՞նչ ես եղտեղ կըտըրաում:

Յե. Յերիցուկ, Չ. Չանազան.
 Ե. Եշխըրտուկ, Ը. Ընկուզ...
 Մի՛ աղմըկեք, հանաք հո չի.
 Թիթեռ՝ հանգիստ, Մոծակ՝ սո՛ւս:

Մի խառնըվեք, չեմ սիրում յես
Նգալես աղմուկ, աղաղակ:
Թ. Թըրթընջուկ, Ժ. Ժախ ու բոխ,
Ի. Իշաովույտ, Լ. Լեղակ:

Խ. Խընձորուկ, Ծ. Ծիրանի,
Կ. Կըռթուկ, Հ. Հաղարձ...
— Տես, վարժապետ, ես Մըլակին,
Ինձ ասում ե՝ սարի արջ:

— Այ տղա, էյ, չեն հայհոյիլ,
Տըղզան հիմար անասուն...
Ձ. Ձըմերուկ, Դ. Դանձլամեր,
Ճ. Ճարճատուկ, Մ. Մասուր:

Դու, էյ Ծըղըրիդ, վո՞նց ես նըստել.
Դըլուխդ — յետ, մեջքդ դուրս:
«Յ»* Յունապի, Ն. Նունուֆար,
Շ. Շագանակ, «Ո», Ողկուղ*:

— Վոյ, ես ինչեր կան դասերում.
Վողկուղ յես շատ եմ սիրում...
— Իսկ յես կաղամբ կուտեմ — կուտեմ...
— Իսկ յես՝ ծիրան... — իսկ յես՝ կուտեմ...

— Ձեզ չեն հարցնում՝ ինչ կուտեք գուք
Քընաթաթախ՝ առտեհան:
Ձ. Ձինարի, Պ. Պատատուկ,
Ձ. Ձըրկուտեմ, Ռ. Ռեհան:

* Հին ուղղագրությունը:

Ս. Սերկեվիլ, Վ. Վարդենի,
Տ. Տերեփուկ, Յ. Յաքի...
Ռ՛ւհ, մարդ քարից պիտի լինի,
Ձեր մեջ գըլուկս կըճաքի:

Փ. Փըրփըրուկ, Բ. Բարասոխ,
Ո, Ո՞ֆ, պըրժանք վերջապես...»
Դե գնացեք, վաղը կըգաք
Անգլի արած ջըրի պես:

Ու հավաքած թիթեռ, ճանձ, բոռ,
Մըժեղ, մըրջյուն, մըլակ, մոծակ,
Վարպետ Բըղեղն ամսոն եսպես
Դաս եր տալի մի ծառի տակ:

ԲՈՎԱՆԴԱԿՈՒԹՅՈՒՆ

1. Մանուկներին	3
2. Աշուն	4
3. Տերևաթափ	5
4. Առաջին ձյունը	6
5. Ծաղիկները	7
6. Մարտ	8
7. Վարդը	9
8. Ամառվա գիշերով	10
9. Հովվի հրաժեշտը	11
10. Գրիչ	12
11. Բզեզի դպրոցը	13

Պատ. խմբագիր՝ Նվ. Թումանյան
 Տեխ. խմբագիր՝ Ան. Դասալարյան
 Սրբագրիչ՝ Գար. Հակոբյան
 Կոնսորտ սրբագրիչ՝ Մ. Մարտիրոսյան

Գլավիտի լիտոյր՝ Դ—3527. Հրատ. № 4442.
 Պատվեր 230. Տիրաժ 6000.
 Թուղթ 62×94 Տպագր. 1 մամ.
 Մեկ մամ. 24.480 նշան.
 Հանձնված է արտագրության 8 մարտի 1938 թ.
 Ստորագրված է տպագրության համար 22 մարտի 1938 թ.
 Գին՝ 60 կոպ.

Պետհրատի I տպարան, Յերևան, Լենինի 65

ՀՀ Ազգային գրադարան



NL0396496

8922

